

*Алексей Михайлович Татаринов – Удбурбай
Таксистарга*

Сылаалаах үлэлээх таксистар,
Сырыылаах эрдэһит эрэттэр
Сындыстыы элээрдэ сүүрдэллэр,
Сыыдамнык дьоннору таһаллар.

Сылбырба собуустук ойута
Сыырдары түһэллэр, тахсаллар
Сыллата тиритэ- хорута,
Сытары адьаһын умналлар.

Сыралбан куйааска тиритэ
Сындалбан үлэни кыайаллар,
Сыарба хаар кыһыгна өрүтэ
Сымсатык көтүтэ ойоллор.

Сыһыаны айанна тупсара
Сыыс тылы туттубат буолбуттар,
Сыымайдаан муусука холбоно
Сып- сылаас эйгэлээн үөрбүттэр.

Сымара көрүннээх, эрэллээх
Сытыыкан суопшардар диэтэбин,
Сыныйан оностор идэлээх
Сыстабас ыччаттар диэтэбин.

Сылыктаан күннэрин кэтээннэр
Сыыспаттар айанна туруна,
Сыалларын ситиһэн тэйээннэр
Сырдыыллар харахтыын арылла.

Сылаалаах үлэлээх таксистар,
Сымара көрүннээх эрэттэр
Сылыктаан күннэрин кэтээннэр
Сыыдамнык айанныыр эбиттэр.

23.03.2016